



Synfocity = 415

8th November, 2012mail us at : mzsynfo@gmail.com; mizoramsynod@gmail.com - Phone - 2314648

□ Board/Committee tluang takin thu zo

Mizoram Presbyterian Church Synod hnuai Board leh Committee hrang hrangte kum tawp rorel thutkhawm chu a zo ta a, November 13 -15 chhungin Synod Executive Committee (SEC) a thu ang a, November 20 -22 chhungin Finance Committee a thu leh ang a, November 28 & 29-ah SEC Budget Session a thu ang a, November 30-ah Pastoral Committee-in Pro Pastor Interview a nei ang.

November 6 (Thawhlehi) khan Synod Social Front Committee an thu a, member 38 an kal. Kumin chhung hian Synod Social Front hi tum 28 an zin chhuak a, hengah te hian zu, drugs, sex awareness bakah seminar programme an hmang deuh ber. Heng zin chhuahna bakah hian khawpui chhungah seminar leh consultation vawi thum an buatsaih bawk. Synod Social Front hian April 14, 2012 khan Central YMA hnuai CADS tanpuina atan Rs.1,00,000/- (Cheng Nuaikhat) a hlan a, Champhaia Grace Receivers Home-ah Rs.50,000/- (Cheng Singnga) a hlan bawk. World Environment Day denchhenin Environment Day thuchah chu kohhran tinah chhiar chhuah turin an thawn darh a. Mithiam bik ruaiin NREGA chungchang leh NLUP chungchang zir chian a ni a, research paper hi zut mamin kohhran tinah theh darh a ni. Zu leh Drugs leh Corruption chungchangah Booklet siam a ni a, Hnathawhna hmuna mipa leh hmeichhe dinhmun zir chianna pawh peih fel a ni. Dr. Robert S. Halliday chu NEICORD Board Asst. Secretary atan ruat a ni a, kum 2014 thleng a ni ang.

Synod Social Front-in Outreach counselling leh Helpline counselling a kalpui mekah hian mi 917-in an rawngbawlina an chhim tawh a, henge hi zu, drugs, AIDS, sex leh natna khirh bik vanga harsatna neite an ni ber.

Central YMA hnuai Anti-Drug Squad te nena counselling rawngbawlina neihho mekah Sept 2010 - Oct. 2012 chhungin counselling mi 2405 hnenah pek a ni a, an zinga 752 hi hmeichhia an ni. October 2011-Sept.2012 chhungin Synod Rescue Home-ah damlo 464 enkawl an ni. Synod Social Front hian Meeting zawhah HIV/AIDS chungchang inzirtima atana an film siam an tlangzarh nghal a, Rev. Thangzauva, Synod Moderator-in a tlangzarh. He film hi Zarkawt Branch KTP an buatsaihtir a, a senso atan Rs.50,000/- chauh an pe a ni. A film hi HIV/AIDS inzirtima hmanraw pawimawh atana siam, zawrh chhuah loh tur a ni.

November 7 (Nilaini) khan Synod Music Committee a thu a, Rev. Thangzauva, Moderator-in kaihruiin member 66 an tel thei a ni. Synod School of Music tihchangtlun nan Instructor H. Lalrinmawia chu Nagaland Conservatory of Music-ah Bachelor of Music kum 4 course zir tura tirh a ni. Kumin chhungin Bial huapin Bial 12-ah training chi hrang hrang neihpui a ni a, chhimtu 707 an tling. Kohhran malah kohhran 28-ah neihpui a ni a, chhimtu mi 618 an tling.

May 1-14, 2012 chhunga Synod Conference Centre-a neih Residential Choir Conductors' Training-ah mi 60 an tel a, July 3, 2012-a neih Music Consultation-ah mi 59 an tel. Kumin chhunga Synod School of Music-a zirlai neih dan dinhmun chu- Zing lamah 102, Chhun lamah 75, Tlai lamah 36 te an ni.

Tun tum Music Committee thu khawm hian thu ngaihtuah tur (agenda) panga an nei a, chung zingah chuan Zaipawl Centenary lawm chungchang leh a Ni tihchianna chu thil pawimawh tak niin a lang. Mizo kristiante zinga kohhran zaipawl zai hmasak ber hun chu December 25, 1912 niin Music Committee hian a zir chhuak a ni.

Kristian Hlabu enawn leh tihlen te, Cable TV-a Music chungchang sawihona hun buatsaih te, Music Committee leh Worship Committee hi Committee pakhata hlawm khawm ni se tih te leh Music Instructor Post kalphung siamthat thu te an ngaihtuah a ni.

□ MSSU Residential Trainers' Training

Mizo Sunday School Union (MSSU) chuan November 8 -10 chhung hian Synod Conference Centre-ah Residential Trainers' Training vawi 9-na a buatsaih dawn a. November 8 zan dar 6:00-ah Executive Secretary i/c MSSU Rev. Zosangliana Colney hruiin Training hi hawn a ni ang a, Synod Moderator Rev. Thangzauvan a hawng ang. Training-ah hian Aizawl khawpui chhung Pastor Bial tin aiawh pakhat theuh tel tura sawm an ni a, an vain mi 36 tel thei tura beisei a ni. Training hi riah chilha neih tur a ni a, zing dar 7:00 – 8:00 ah Rev. R. Lalhmingthanga hovin Devotion neih thin a ni ang a, nileng leh zan dar 10:00 thlengin thupui zirho leh sawihona neih thin a ni ang a. November 10 (Inrinni) chawhnu dar 1:00-ah MSSU Coordinator Pi Lalfakmawii kaihruiin Training Kharna Inkhawm neih a ni ang. Training chhung hian Sunday School inzirtirna atana thil tangkai chi hrang hrang hetiang hian zir a ni ang:-

Thupui	Zirtirtu
1) Sunday School chanchin leh Inkaihhruiina	- Pu Lalthanchunga
2) Zirtirtu nihna pawimawhna leh mawhphurhna	- Rev. C. Rosiama
3) Psychology	- Upa K. Vanlalngbaka
4) Zirtir dan	- Upa K. Zoremsanga
5) Zirtirna hmanruate	- Pu John Lalhruiitluanga
6) Sunday School tha buatsaih dan	- Tual Upa Lalthahluna Ralte
7) Child Evangelism	- Upa Hrilthansanga

MSSU hian Bial leh Kohhran mal hmun 50 velah kum tin training hi an neihpui thin a, MSSU-a thawktute leh trainer-ten training hi an neihpui thin. Tuna training neih tur pawh hi zirtirtute training pe chhawng thei tura trainer-te buatsaihna a ni.

MSSU hnuai hian Sunday School 901, zirtirtu 41,177 leh zirtu 3,53,359 an awm mek a. Mizoram chhung bakah India hmar chhak state hrang hrang atangin MSSU zawmtu hi an awm. MSSU hian zirtirtute training pek leh Sunday School exam buatsaih bakah rawngbawlina peng hrang hrang a kalpui mek a. Sunday School rawngbawlina kaihnawih lehkhawbaw ringawt pawh, kum tin bu 18 vel an tichhuak thin a ni.

□ Social Front

◆ November 10 & 11 hian Kolasib Hmar Veng Bial huapin Hmar Veng Kohhranah Political Education neih a ni dawn a, hemi neihpui tur hian Dr. Robert S. Halliday, Social Front Coordinator leh Campaigner-te an kal ang.

◆ November 15 - 18 hian Zaita Bial huapin Life Skills Training neih a ni dawn a, Dr. Robert S. Halliday, Social Front Coordinator leh Tv. Jacob Vanlaldinsaka, Outreach Worker-ten training hi an neihpui ang.

□ Zin

November 9 - 12 chhung hian Keifang leh Kawlkuh Presbyterian English School tlawh leh Kawlkuh Kohhran Centenary lawmnaa tel turin Rev. Mangchhuana Sailo, Presbyterian English School Supervisor a kal ang. *Contd...*

- Family Guidance & Counselling Centre**
 Family Guidance & Counselling Centre (FG&CC) chuan November 14 - 28 chung hian Pastor-te pualin Intensive Residential Pastoral Care & Counselling Training wawi 22-na, Synod Conference Centre-ah a buatsaih dawn a, training a tel tur hian kum 2010-a nemngheh Pastor 18 koh an ni.
 Training hawna programme hi November 14 (Nilaini) tlai dar 5:00-ah neih a ni ang a, Rev. Lalzuthanga, Executive Secretary i/c FG&CC-in inkhawm a kaihrui ang. Rev. R. Lalhmingthanga, FG&CC Director-in Reports & Introduction hun a hmang ang a, Synod Moderator Rev. Thangzauvan Training hawngin thuchah a sawi ang.
- Kristian Thalai Pawl**

 - ◆ November 8 - 11 hian Lairam Isua Krista Baptist Kohhran (LIKBK) Thalai Pawl Inkhawmpui, Vawmbukah neih a ni dawn a, heta tel tur hian Central KTP hruaitu Tv. V.L. Muanchhana, Asst. Secretary leh Upa Zothangzuala Chhangte, Treasurer-te naktuk (Nov. 9) hian an kal ang.
 - ◆ November 13 (Thawhlehi) hian Reiek Bial huapin Reiek Kohhranah Leadership Training neih a ni dawn a, training neihpui tur hian Central KTP hruaitu- T. Upa Lalhruaizela leh Pu Lalnginglova Hauzel, Committee Members te an kal ang.
 - ◆ November 13 (Thawhlehi) zan hian Lungdai Bial KTP Meet-ah Mizoram Synod Choir-te an kal ang.
- Synod Bookroom**

 - ◆ November 9 (Zirtawpni) chhun dar 12:00 hian Serchhip AOC Vengah Serchhip Synod Bookroom sak thar hawna neih a ni dawn a, Pastor H. Iallianzara, Serchhip Bial (Branch Committee Chairman ni bawk) in programme a kaihrui ang. Synod Moderator Rev. Thangzauvan Pathian hnena hlanna hun a hmang ang a, Upa Lalhmangaiha Sailo, Account i/c Bookroom Committee Serchhip Branch-in Technical Report a pe ang. Upa F. Lalsangliana, General Manager, PRESCOM Board-in Lawmthu sawina hun a hmang ang a, Serchhip Bial Zaipawlte an zai bawk ang. He hun hmanpui tur hian Headquarters atangin mi engemaw zat an kal bawk ang.
 - ◆ November 12 (Thawhtanni) zan hian Ramthar Veng Branch KTP leh Synod Bookroom tangkawpin Literature Nite an hmang dawn a, Pu lalniana, Synod Bookroom Manager-in hun a hmang ang a, NI. Nancy Zothanmawii, Mission Veng leh NI. Lalmuanzuali (Boboih), Chhinga Veng East te an zai bawk ang. Inkhawm banah Synod Bookroom bungruate man tlawm zawka lei theih turin pho chhuah a ni ang.
- Kohhran Hmeichhia**

 - ◆ November 9 - 11 hian Shillong Mizo Kohhranah Kohhran Hmeichhe Golden Jubilee lawmna neih a ni dawn a, hemi hmanpui tur hian Central Kohhran Hmeichhe hruaitu Pi Khawlvuani, Vice Chairman; Pi Liankimi, Fin. Secretary leh Pi Ramngaihsangi, Committee Member-te an kal ang.
 - ◆ November 9 - 11 hian Phainuam Bial huapin Phainuam Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu NI. Vanlalsawmi, Pi Biakengi leh Pi Vanlalpari (Committee Members) te an kal ang.
- Hruaina Eng FM Radio & TV Programme**

 - ◆ **NOVEMBER 9 (FM Radio @ 7:30 p.m.) :**
Choir : Lunglei Presbyterian Choir-Ka Hrethiam Tawh Ang, **Thuchah :** Rev VL Krawschhuanmawia - Beiseina, **Group :** ATC Male Voice - Lalpa thatzia, **Solo :** Zoramchhani - Hmanah Kaiser Lal Lian Réngpui, Liandingpuii - Thiamchanna kraws
 - ◆ **NOVEMBER 11 (TV Programme @ 3:00 p.m. :**
Choir : Mizoram Synod Choir - Kumsul liam hnu, **Sermon :** Rev. C. Vanlalhruaia - Rin ngamna, **Choir :** Bungkawn Bial Zaipawl - Lamlian thianghlim, **Short film :** Lawmna Kim - Zarkawt KTP, **Solo :** Sanglianthanga - Puanvar sin, **Documentary :** The Gospel Fire, **Solo :** C. Lalhmingmawii - El Dorado, Rebek Vanlalpeki Sailo - Mittui a hul ang
- Susamachar Prasaran Programme**
NOVEMBER 11 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Tanhril Pastor Bial - Mere Mashi, **Group/Choir/Solo :** The Leprosy Mission Choir - Hame Sab Kuch Vo De Ta, **Sermon :** Rev. Vanlalbela - Parmeshwar ka vachan zivit hai, **Group/Choir/Solo :** Mission Veng Masihi Sangati - Rahi, **Group/Choir/Solo :** Aizawl Venglai - Dil se me
- Moderator Programme**
 Synod Moderator Rev. Thangzauva chuan hetiang hian kar tawpah hun a hmang ang :
 November 9 (Zirtawpni) Chhun - Serchhip Synod Bookroom a hawng ang
 November 10 (Inrinni) Chawhma - Serchhip Bazar Biak In hawn
 November 10 (Inrinni) Zan - Chhiahtlang Venghlun Kohhran
 November 11 (Pathianni) Chawhma - New Serchhip North Kohhran
 November 11 (Pathianni) Chawhnu - Serchhip Field Veng Kohhran
 November 11 (Pathianni) Zan - Serchhip Bethel Kohhran

SYNOD REVIVAL RAWNGBAWLNA
(November, 2012)

Sl. No.	Speaker-te Hming	Rawngbawlina hmun	Rawngbawldan	Rawngbawlhun chung
1	Upa R. Lalmachhuana	Faith Academy, Zonuam	Camping	November 8 - 11, 2012
2	K. Lalhunpuia	LIKBK, Lawngtlai	Crusade	November 8 - 11, 2012
3	T. Upa Zarzoliana	Maubawk Bial Revival	Meet	November 8 - 11, 2012
4	R. Lalramliana	E Lungdar Bial Pavalai	Meet	November 9 - 11, 2012
5	K. Lalthuama	Phaizau	Camping	November 9 - 27, 2012
6	Jerry Laltanpuia	Lallen Pastor Bial	Pavalai Meet	November 10 & 11, 2012
7	Vanlalvuana	Bungkawn Vengthar	Crusade	November 10 & 11, 2012
8	Upa Ramtharlina	Tlawng Pavalai Joint	Meet	November 10 & 11, 2012
9	R. Lalnunkima	South Vanlaiphai	Crusade	November 10 - 16, 2012
10	K. Lalawmpuia	Darlawn Chhim Veng	Camping	November 10 - 30, 2012